



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Historiæ Augustæ Scriptores VI**

Ælius Spartianus. Vulc. Gallicanus. Julius Capitolinus. Trebell. Pollio. Ælius  
Lampridius. Flavius Vopiscus

**Spartianus, Aelius**

**Lugduni Batavorum, 1671**

De Posthumio, II.

[urn:nbn:de:hbz:466:1-51232](https://nbn-resolving.org/urn:nbn:de:hbz:466:1-51232)

lum Persicum veniret, occisus est. Neque plus de hoc historiae quicquam mandatum est <sup>1</sup> quod dignum memoria esse videatur <sup>2</sup> quem clarum, perfugium & parricidium, <sup>3</sup> & aspera tyrannis & summa luxuries literis dederunt.

4 DE POSTHUMIO, II.

3 **H**ic vir in bello fortissimus, in pace constantissimus, in omni vita gravis, usque adeo ut Saloninum filium suum eidem Gallienus <sup>6</sup> in Gallia positum crederet, quasi custodi vitae, & morum & actuum imperialium institutori. Sed, quantum plerique asserunt, (<sup>7</sup> quod ejus non convenit moribus) postea fidem fre-

<sup>1</sup> Quod dignum memoria esse videatur.] Quod dignum memoratu esse videatur.

<sup>3</sup> Et aspera tyrannis & summa luxuries literis dederunt.] Colligo legendum ex Palat. è summa luxurie. vel, ex summa luxurie. nam is habet, luxurie: quem clarum, perfugium & parricidium, & aspera tyrannis ex summa luxurie, literis dederunt. nam summa hujus luxuria fecit, ut patrem fugeret, cui perditii filii mores displicebant, vel ut quidam volunt, etiam occideret: ut ad Saporem confugeret: ut imperium raptum iret denique.

<sup>5</sup> POSTUMVS. Hic vir in bello fortissimus.] Ita omnes libri, & omnibus locis quibus habetur ejus mentio. Postumus semper scriptum reperi non Postumius: ita Zonaras, ita Zosimus, ita etiam nummi: IMP. C. POSTUMVS. P. F. AVG.

CASAUBONUS.

<sup>2</sup> Quem clarum perfugium & parr.] Dum patris censuram fugit, ad Saporem Persam transfugerat, ut intio dictum non recte viri docti, perjurium, corrigunt.

<sup>4</sup> DE POSTHUMIO, II.] Non servat ordinem temporum: nam Cyria-

git, di subjungi debuerat Ingenus, qui octavus recensetur: & item alii post istum. Atque hoc semel dictum esto. vocatur in nummis, C. CASIUS. POSTUMVS. LABIENS. Zosimo & Zonara Ποστύμο. Victori & Eutropio, Postumus.

<sup>6</sup> In Gallia positum crederet quasi custodi vitae.] Zosimus creditum ait non hunc, sed Silvano. τὸ ὄνομα λαβόντα τῶν ἐν Σαλωνίνῳ φυλακῆν ἐκ τῆς πατρὸς Σιλβανῶν. sed scribendum ibi Ἀλβανῶν, è Zonara, qui sæpius nominat. sed de Postumio & ei commisso principe, habes certum testimonium in ipsius Valeriani patris epistola ad Antoninum Gallum consulem. vide infra in Aureliano.

<sup>7</sup> Quod ejus non convenit moribus.] Non magnum argumentum innocentiae: nam multos moribus alioquin bonis ad scelera compulit dira ambitio Zosimus scelus ab eo admissum scribit, neque id obiter.

GRUTERUS.

<sup>4</sup> De Postumio.] Sic fere semper supra scripsit Valerianus heic vero perpetuo exaravit Postumum, non Postumium.

git, & occiso Salonino sumpfit imperium. Ut autem verius plerique tradiderunt, quum Galli vehementissime Gallienum odissent, puerum autem apud se imperare ferre non possent, eum qui commissum regebat imperium, imperatorem appellarunt, missisque militibus adolescentem interfecerunt. Quo interfecto ab omni exercitu & ab omnibus Gallis, Posthumius grantanter acceptus talem se præbuit <sup>1</sup> per annos septem, <sup>2</sup> ut Gallias instauraverit, quum Gallienus luxuriæ & popinis vacaret, & amore Barbaræ mulieris consenesceret. <sup>3</sup> Gestum est tamen à Gallieno contra hunc bellum tunc quum sagitta Gallienus est vulneratus. Si quidem nimius amor erga Posthumium omnium erat <sup>4</sup> in Gallica gente populorum, quod submotis omnibus Germanicis gentibus, Romanum in pristinam securitatem revocasset imperium. Sed quum se gravissime regeret, more illo quo Galli novarum rerum semper sunt cupidi, Lolliano agente, interemptus est. Siquis sane Posthumii meritum requirit, iudicium de eo Valeriani ex hac epistola quam ille ad Gallos misit, intelliget; *Transrhenani limitis ducem, & Gallia præsidem Posthumium fecimus, virum dignissimum severitate Gallorum. præsentem quo non miles in castris, non jura in foro,*

CASAUBONUS.

<sup>1</sup> Per annos septem.] Idem numerus libro superiore, & infra capite de Lolliano. Eutropius tamen ait decem.

<sup>3</sup> Gestum est tamen à G.] Scribe autem, ut in antiquis.

SALMASIUS.

<sup>2</sup> Ut Gallias instauraverit.] Hinc in ejus nummo, quem descripserunt euditi viri, RES PIVTORI GALLIÆ.

<sup>4</sup> In Gallica gente populorum.] Legem saltem: in Gallicorum gente populorum. vulgata enim lectio non recte se habet. Palatinus, Gallicanorum scribit. totum locum sic scripserim: siquidem

nimius amor erga Posthumum, omnium erat in Gallicanorum mente populorum. cui gente placebit retinere, id illi per me facere liceto.

<sup>5</sup> Transrhenani limitis ducem.] Palmitis. perperam. meminit etiam infra limitis transrhenani, in Taciti vita Vopiscus: nam limitem trans Rhenum Germani rupisse dicuntur. sic in Pescennio Nigro perperam etat scriptum. Ægyptiaci militis, pro limitis.

GRUTERUS.

<sup>3</sup> Gestum est autem, &c.] Sequutus sum exemplaria aliorum. nam noster adhærescit vulgaris, in quibus, Gestum est tamen.

R. 2

x Et

non in tribunalibus lites, non in Curia dignitas pereat: qui unicuique proprium & suum servet. Virum quem ego præ cæteris stupeo, & qui locum principis mereatur jure: de quo spero quod mihi gratias agetis. Quod si me fefellerit opinio quam de illo habeo, sciatis nusquam gentium reperiri qui possit penitus approbari. Hujus filio Posthumio nomine, tribunatum Vocontiorum dedi, adolescenti, qui se dignum patris moribus reddet.

## DE POSTHUMIO JUNIORE, III.

4 **D**E hoc prope nihil est quod dicatur, nisi quod à patre appellatus est Cæsar, ac deinceps in ejus honore Augustus cum patre dicitur interemptus, quum Lollianus in locum Posthumii subrogatus, delatum sibi à Gallis sumpsisset imperium. Fuit autem (quod solum memoratu dignum est) ita in declamationibus disertus, ut ejus controversiæ Quintiliano dicantur insertæ, quem declamatorem Romani generis acutissimum, vel unius capituli lectio prima statim fronte demonstrat.

## DE LOLLIANO, III.

5 **H**Ujus rebellione in Gallia Posthumius, vir omnium fortissimus, interemptus est, quum jam nutan-

## SALMASIUS.

2 Et qui locum principis mereatur jure.] Forte: locum principem. ita enim apud Tacitum & alios frequentius ponitur. sic locus Augustus, ut imperium Augustum: Ammiano Marcellino, locus principalis sæpius dicitur. locus principis, pro dignitate principis.

## CASAUBONUS.

3 Cum jam nutante Gallieni luxuria in v.] Nutans luxuria quid esset, ne ipsi quidem scivere qui sic scripserunt.

Legendum, cum jam nutans Gallieni luxuria, in v. st. R. reformasset imperium.

## GRUTERUS.

2 Cum jam nutante Gallieni luxuria.] Sic quoque Pal. sed proculdubio reponendum, nutans.

## SALMASIUS.

2 Quum jam nutante Gallieni luxuria in veterem statum Romanum reformasset imperium.] Constantes sese præbent in hujus loci retinendo vitio veteres libri.